

中國方志叢書・東北地方・第三六號

據

民國・鄭士純修，朱衣點纂
民國十七年鉛印本

影印

合江省

樺川縣志



成文出版社有限公司印行



中國方志叢書·東北地方·第三六號


據

民國·鄭士純修，朱衣點纂
民國十七年鉛印本

影印

合江省

樺川縣志



成文出版社有限公司印行



10094081

中華民國六十三年 月臺一版

樺川縣志

全二冊

發行人：黃 成 助

出版者：成文出版社有限公司
台北市郵政信箱二二六〇五號

台北市羅斯福路三段240巷5號
電話：三四〇一三二號

印刷者：成文出版社有限公司

內政部登記證內版台業字第一一四七號

民國十七年三月

樺川縣志

章啓槐題

戊辰孟春


嚴疆備乘

張作相題

樺川縣志序

吉林樺川縣志編纂告成將付剞劂唐令勵宣以序爲請按樺川設治於前清宣統初元其地處宋瓦之中流與江省接壤爲東北險隘近十數年庶事草創經營瑣畫成規漸著地頌膏沃民壽優饒帆檣戢戢田井每每然文獻未備凡一邑之中今昔沿革政俗民物下至堡壘樓閣之遺蹟田廬芻牧之概數宜以要最著於官書使守土者有以知人事之所宜政治之本末辨肥瘠以布其利察奢儉以制其俗因其基緒進其事功則縣志之編纂又烏容後哉余又以謂吉省自隋迄明爲州爲郡爲路爲衛累代戰爭故往往重軍事而忽民治詳兵帳而略戶口章制文書其有闕幾無可稽考縣志更無論矣固宜網羅散軼裒集成書嘉惠士林昭示來許是編雖開章明義胚胎始創而山川形勢政俗人物於焉略備亦足爲留心邊事及采風之考證備後之來者增補踵事推新編俾成全志則余之所厚望也是爲序

民國十六年十月遼陽成允序



樺川縣志序

黃梨洲稱志書之善者以楊升庵四川趙浚谷平涼二書爲最他若襄陽耆舊荆楚歲時浦陽人物新安文獻若斯之倫匪可殫舉近世惟汪士鐸所作上元志紀載詳備幾於史裁矣得其似者厥有顧石公明經修纂之吉林通志實在有清光緒中葉文筆雅飭爲當代所希今樺川縣志一據依省志以爲根柢能知所從事矣樺川前隸三姓迨清末始行設治入民國輒改爲縣官斯土者懃懃以修志爲先務鄭君士純草創之於前唐君純禮益踵而葺之於後遂得告厥成功不其懿歟夫樺川一新造之邑金礦森林大豆貂狐之產之富蓄之既久至輓近而始稍稍發其藏誠天府之雄圖也疆梁恣睢眈眈伺於其側土人種落乃日益衰息獨猶幸齊魯之民不待董督而自能移居以填實之松花江上游蓋比比而然獨一樺川也乎哉優而柔之整齊而劃一之則賢有司之事也一代之文物典章實爲一代政令條教所自出俾史具在縣志其濫觴也驗之方來以垂之無窮跂予望之矣民國十有七年歲

在戊辰閏月撫順張煥相

樺川縣志序

自來輿地志記條縷至頤而撰著其難匪第以供山經地志之探討也其必致詳於郡邑之沿革疆索之廣袤山川原隰之形勝兵農錢穀之豐絀以及風俗吏治人物傳記審乎利病所在明其得失之林史官載筆得所憑依體國經野資爲施措此元和郡縣元豐九域等志所以炳麟於乙部也自有明著令設局編纂省縣志書數百年來宇內通都大邑之有志乘可稽者固已更僕難數且迭經續修者有之顧茲事不難於勗而難於因不難於書策習見之地而難於陳述僻左之區樺川地望位於吉林之東北極邊周隸肅慎漢晉隸挹婁元魏後爲勿吉隋爲靺鞨唐爲靺鞨之黑水郡歷遼金元明清爲部爲府爲屯爲衛爲赫哲哈喇爲三姓四甲前清宣統年間甫經設治載籍邑解雖標山帶江之勝槩亘古如斯而跡之名稱遞嬗之源流可以覘其遼闊窺遠舊處於綏要荒服之外而爲肇造方新之邑矣比年 聖唐兩邑侯先後親臨蒞官斯土承 大府嘉合監製是編發凡起例對舉目張上下古今燦然

明備以遠紹旁搜之力竟鴻篇鉅製之功後此之徵文攷獻者其必視此媿於古之百二寶書殆斷斷無疑義矣抑猶有進者樺川地域控俄疆之阨塞爲天府之隕區交通則兼水陸舟車物產則饒農林金礦歷經賢令尹經營締造治具畢張溯距鴻濛之闢才十有餘年耳循是孟晉圖維吾知生聚教訓之餘立僭於赤緊壯縣之列又從可知也則擬是編於裴岑紀功之石誰云不宜

中華民國十七年仲春

雙城莫德惠序

樺川縣志序


服官餘事徵文獻此道由來與政通書續黃儼才未盡石搜赤
玉物何豐併將雲夢吞胸裏忽送江山到眼中三撫斯編心
往陸隴爲詠日生東

遼陽孫其昌

樺川縣志序

樺川居吉林省之東北松花江之中游舊爲赫哲民族漁獵之區勝清時代屬於三姓都統管轄至宣統二年甫設縣治爲時未久一切聲名文物均在草創凡山經地志之著載民風政俗之沿革按古證今殊難按圖以索此而欲遽編縣志誠憂憂乎難之唐令勵宣繼任鄭令之後依其著手未成之縣志約同境士紳陸續編輯不數月而告成於政治輿地諸大端罔不網舉目張有條不紊設非心精力果何能以司馬之工兼枚舉之敏有如是乎後之官斯土者如更能以唐令之心爲心隨時增修益期美善於一省之通志一國之史乘其裨益當非淺鮮由是聞膏腴之地爲富庶之區而復加之以禮教將見雀鳳無爭訟庭花落尤鄙人所忻慕焉是爲序

中華民國十七年四月義縣富春田序



樺川縣志序

觀夫編纂縣志一書所記載者可謂至詳且備其明文註解益人閱瞭尤屬盡善盡美思斯書也係夫已往名人之品行政治之沿革山川之源流地理之磽腴以及現今新政諸大端不但增人廣見益爲後人思齊有所豁從造益良多念及種種完美之處使今人後人閱者三復百讀得其奧妙則品學日修德業日進此皆秉筆記錄褒貶莫容之所致也故遂援筆以爲序

吉林綏寧鎮守使趙芷香序

